

Հավելված N 4
ՀՀ պետական եկամուտների կոմիտեի նախագահի
«05» հունիս 2023թ. N 560-Լ հրամանի
(05100033) / (19.01.2024) / (102/6)
(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«19» հունվար 2023 թ.
(ամսաթիվը)

Բ. Վանաձոր
(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության
(ստորաբաժանման անվանումը)

ղեկավարի ժ/պ Հայկ Ավետիսյանս, քննելով՝ Գոռ Վարազդատի Ոսկանյանի (անձն.՝
AV0517846, տրված՝ 16.11.2022թ.-ին 001-ից, ծնված՝ 09.01.1990թ., հասցեներ՝ 1101 ՀՀ ք.
Էջմիածին Վաղարշապատ, Սուրբ Մովսես Խորենացի Փ.տուն 63Ա)

(քննվող անձի անվանումը, կազմակերպարավական տեսակը, ՀՎՀՀ, պետական գրանցման/քնակության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Գոռ Վարազդատի Ոսկանյանը 2023 թվականի հուլիսի 14-ին ժամանելով
ՀՀ ՊԵԿ ԱՄՎ Բագրատաշենի մաքսային կետ-բաժին իր հետ տեղափոխել է 10 կգ ընդհանուր
քաշով պահեստամաս: Նույն օրը տվյալ ապրանքը հանձնվել է մաքսային մարմինների
ժամանակավոր պահպանմանը: Ժամանակավոր պահպանման ժամկետը ավարտվել է
15.11.2023 թվականին: Նշված ապրանքների վերաբերյալ սահմանված ժամկետում Գոռ
Վարազդատի Ոսկանյանը մաքսային հայտարարագիր չի ներկայացրել: 20.11.2023թ.-ին նշված

ապրանքների վերաբերյալ կազմվել է «Ապրանքների և դրանց վերաբերյալ փաստաթղթերի արգելապահման» արձանագրություն:

Փաստի աղթիվ 20.11.2023 թվականին Գոռ Վարազդատի Ոսկանյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Նշանակվել է վարչական վարույթի քննություն 18.12.2023 թվականին ժամը 16:30-ին, և գործի քննություն 22.12.2023 թվականին ժամը 16:30-ին, որի վերաբերյալ վերջինիս հասցեին ուղարկվել է ծանուցագիր, սակայն ծրարը վերադարձվել է «Տեղափոխված»:

Վարչական վարույթի քննությունը և գործի քննությունը տեղափոխվել և նշանակվել է 22.12.2023 թվականին ժամը 10:30-ին, և գործի քննություն 26.12.2023 թվականին ժամը 10:30-ին, որի վերաբերյալ վերջինիս հասցեին:

Վարչական վարույթի քննությունը և գործի քննությունը տեղափոխվել և նշանակվել է 2024թ.-ի հունվարի 17-ին ժամը 10:30-ին, և գործի քննություն 22024թ.-ի հունվարի 19-ին ժամը 10:30-ին, որի վերաբերյալ վերջինիս հասցեին, ինչպես նաև վարչական ղեկավարին ուղարկվել է ծանուցագիր:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական

գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն հոդվածի 3-րդ մասի համաձայն՝ «Սույն գլխում կիրառվող հասկացությունները օգտագործվում են Միության մաքսային օրենսգրքի և Վարչական իրավախախտումների վերաբերյալ Հայաստանի Հանրապետության օրենսգրքի իմաստներով»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ»:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

«Վարչարարության հիմունքների եվ վարչական վարույթի մասին» ՀՀ օրենքի 29.1-րդ հոդվածի 14-րդ մասի 1-ին կետի համաձայն՝ «Եթե անձը հրաժարվել է ստանալ փոստային առաքանին, կամ կողմի նշած հասցեով ուղարկված փոստային առաքանին վերադարձվել է, կամ պատվիրված նամակով ուղարկվելու դեպքում ուղարկվելու օրվանից հետո՝ երկշաբաթյա ժամկետում, վարչական մարմինը չի ստացել հետադարձ ծանուցումը (ծանուցման մասին անդորրագիրը), կամ վարչական վարույթի մասնակցի հասցեն անհայտ է, ապա ծանուցումն ուղարկվում է՝

- 1) ֆիզիկական անձի դեպքում՝ աշխատանքի վայրի հասցեով (վարչական վարույթի նյութերում դրա առկայության դեպքում) և անձի վերջին հայտնի բնակության վայրի համապատասխան համայնքի կամ վարչական շրջանի ղեկավարին (բացառությամբ այն դեպքերի, երբ վարչական վարույթը հարուցվել է համայնքի կողմից), իսկ վարչական վարույթում ֆիզիկական անձի այլ հասցեների, այդ թվում՝ էլեկտրոնային փոստի վերաբերյալ տվյալների առկայության դեպքում՝ այդ հասցեներով.

Նույն հոդվածի 15-րդ մասի համաձայն՝ «Սույն հոդվածի 14-րդ մասով սահմանված գործողությունները կատարելու հետ միաժամանակ ծանուցումը տեղադրվում է Հայաստանի Հանրապետության հրապարակային ծանուցումների պաշտոնական ինտերնետային կայքում: Սույն մասով նախատեսված գործողությունները կատարելուց հետո՝ հինգերորդ օրը, համապատասխան ծանուցումները համարվում են հանձնված (ստացված):»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի նյութերի ուսումնասիրության ընթացքում պարզվել է, որ ՀՀ քաղաքացի Գոռ Վարազդատի Ոսկանյանը Ոսկանյանը 2023 թվականի հուլիսի 14-ին ժամանելով ՀՀ ՊԵԿ ԱՄՎ Բազրատաշենի մաքսային կետ-բաժին իր հետ տեղափոխել է 10 կգ ընդհանուր քաշով պահեստամաս, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 490

անդորրագրի/։ Ժամանակավոր պահպանման ժամկետը ավարտվել է 15.11.2023 թվականին։ Նշված ապրանքների վերաբերյալ սահմանված ժամկետում Գոռ Վարազդատի Ոսկանյանը մաքսային հայտարարգիր չի ներկայացրել, որի համար 20.11.2023թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն։

Այսպիսով, վարույթի նյութերով հիմնավորվում է, որ Գոռ Վարազդատի Ոսկանյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ։

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածները, «Վարչարարության հիմունքների եվ վարչական վարույթի մասին» ՀՀ օրենքի 29.1-րդ հոդվածի 14-րդ և 15-րդ հոդվածները և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1.«Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Գոռ Վարազդատի Ոսկանյանին ենթարկել վարչական պատասխանատվության՝ տուգանելով **30000 (երեսուն հազար) ՀՀ դրամի չափով։**

(նշվում է վարչական տույժ նշանակելու մասին կայացված որոշումը)

2.Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով։

(նշվում է որոշումն ուժի մեջ մտնելու պահը, բողոքարկման ժամկետը և կարգը)


ՀՀ պետական եկամուտների կոմիտեի Արևելյան մաքսատուն-վարչության

(ստորագրածանման նշանում)

ղեկավարի ժ/պ՝
(անուն, ազգանուն)

ՀԱՅԿ Ավետիսյան

(ստորագրություն)



Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին 29 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: